

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
-Stručna služba Općinskog
vijeća i Općinskog načelnika-



Broj: 01-136/10
Vareš, 03.06. 2010. godine

Z A P I S N I K
s 19. sjednice Općinskog vijeća Vareš,
održane 03.06. 2010. godine

Milan Knežević – zamjenik predsjedavajućeg Općinskog vijeća Vareš, otvorio je 19. sjednicu s početkom u 9 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutna vijećnica. Jelena Kuhač Odenwald.

Pored vijećnika sjednici prisustvuju: općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, predsjednici političkih stranaka, te direktori JP i JU Zafer Kamenjaš, Željka Petrović, Suljo Abadžija, Nihada Gondžo i predsjednici Skupština JP Grga Vukančić i Senad Dramalija.

Sekretar Općinskog vijeća izvijestio je Vijeće o realizaciji Zaključaka s prošle sjednice Vijeća i dostavljenim odgovorima na vijećnička pitanja. OV je donijelo 8 zaključaka i postavljeno je 13 vijećničkih pitanja. Od 8 zaključaka koje je donijelo OV, 3 zaključka su realizovana, 3 zaključka su u toku realizacije, jer nisu rokom postavljena da trebaju biti realizovana do današnje sjednice, a za 2 zaključka Služba nije obaviještena niti ima saznanja šta je sa njihovom realizacijom. Od 13 vijećničkih pitanja, vijećnici su od nadležnih dobili odgovore na 12 vijećničkih pitanja u pismenoj formi, a na jedno pitanje nema odgovora.

Općinski načelnik Hamdo Fatić u okviru aktuelne problematike na području općine Vareš, za današnju sjednicu nije imao obraćanje OV.

(Vijećnička pitanja)

Tajiba Brkić

1. Mogu li se postaviti na pješačkim prelazima kod OŠ u Varešu i OŠ u Vareš Majdanu „ležeći policajci“?

Elvir Rožajac

2. Zašto se ne otvori prodavnica „Borovo“ u Varešu, jer postoji interes za otvaranjem jedne takve prodavnice obuće u gradu?
3. Šta je sa firmom Šumex?

Kenan Kamenjaš

4. Kako i na koji način ukloniti pse lugalice u MZ Dabravine?

Džemo Kevrić

Napomenuo je da nije dobio odgovore na postavljena pitanja i ponovo ih postavlja.

5. Traži od općinskog načelnika da riješi problem prostorija u kojima bi Klub BPS mogao normalno da djeluje i radi. Napominje da Klub BPS nema normalnih prostorija za rad organizacije, a ni prostorija u zgradi općine za održavanje Kluba BPS.
6. Ništa se nije poduzelo po pitanju sanacije puta prema Kokošćićima i ponovo traži da Komisija izađe na teren, da snimi stanje puta i da se pristupi sanaciji istog.

Majda Muftić

Nije zadovoljna odgovorom na postavljeno pitanje na 18. sjednici OV.

7. Kada će se početi isplaćivati zaostale plaće porodicama preminulih radnica JU „Dječiji vrtić“ Vareš, pok. Ivanka Pavlović i pok. Mirjana Idžaković? Traži da se uzme u obzir ovo pitanje i da se plaće počnu isplaćivati.

Željko Matić

8. Traži od v.d. direktora Kenana Kamenjaša da se ispoštuje dogovor i da se očisti put na Ponikvama od panjeva.

Dženana Bešić

9. Traži da se dopuni odgovor na pitanje koje je postavila na 18. sjednici OV sa podacima tko je vlasnik svakog mjesnog vodovoda i tko upravlja tim vodovodom?

Milan Knežević

10. Traži od načelnika da se preko nadležne Službe uputi zahtjev FTV i BHT1 da se uradi nešto na poboljšanju tv signala, tj slike na federalnoj i državnoj televiziji?

Nakon vijećničkih pitanja na raspravu je stavljen zapisnik s 18. sjednice Općinskog vijeća.

Nije bilo primjedbi i zamjenik predsjedavajućeg je stavio na izjašnjavanje zapisnik, a nakon izjašnjavanja vijećnika konstatovao da je **jednoglasno usvojen zapisnik s 18. sjednice Općinskog vijeća Vareš.**

Na raspravu je stavljen prijedlog dnevnog reda iz poziva za 19. sjednicu OV.

Nije bilo primjedbi i zamjenik predsjedavajućeg je stavio na glasanje predloženi dnevni red.

Nakon izjašnjavanja vijećnika konstatuje da je **jednoglasno usvojen s l i j e d e ć i**

Dnevni red

1. Izvještaj/Izvješće o izvršenju budžeta/proračuna Općine Vareš za period I-XII 2009. godine,
2. Izvještaj o radu i finansijskom poslovanju JKP d.o.o. Vareš za 2009. godinu,
3. Izvještaj o radu i finansijskom poslovanju JP „Vareš-Stan“ d.o.o. Vareš za 2009. godinu,

4. Izvještaj o radu i poslovanju JP Veterinarska stanica d.o.o. Vareš za 2009. godinu,
5. Izvještaj o radu JU Centar za socijalni rad Vareš za 2009. godinu,
6. Prijedlog Rješenja kojim se utvrđuje trajno pravo korištenja zemljišta u korist HAHN JOSIPA iz Pržića općina Vareš.
7. Informacija o nivou zaštite RVI, porodica poginulih boraca/branitelja na području Općine Vareš
8. Informacija o nivou zaštite demobilisanih boraca/branitelja i članova njihovih porodica na području Općine Vareš,
9. Informacija o aktivnostima i radu Foruma o bezbjednosti u zajednici u općini Vareš u 2009. godini,
10. Tekuća pitanja.

Ad 1.

*(Izvještaj/Izvješće o izvršenju budžeta/proračuna
Općine Vareš za period I-XII 2009.godine)*

Predlagač nije imao potrebe za dopunske informacije.

Predsjedavajući OV je preuzeo dalje vođenje sjednice.

Otvorena je rasprava u kojoj su svoje primjedbe i sugestije iznijeli: općinski načelnik, predsjedavajući OV, Boro Anđić – šef odsjeka za finansije i vijećnici: Dženana Bešić, Džemo Kevrić, Milan Knežević, Ivan Lučić i Mato Pavić.

Boro Anđić – ispred predlagača dao je odgovore na postavljena pitanja vijećnika u raspravi.

Nakon rasprave na izjašnjavanje je stavljen Izvještaj i nakon izjašnjavanja vijećnika konstatovano je da sa 6 glasova ZA i 12 glasova PROTIV **nije usvojen**

Izvještaj/Izvješće o izvršenju budžeta/proračuna Općine Vareš za period I-XII 2009. godine

Predsjedavajući OV je, s ciljem da se poboljša prikupljanje direktnih prihoda općine Vareš, predložio slijedeće zaključke i to:

1. Svi obveznici koji imaju dugovanja iz prošle godine prema Općini ne mogu dobiti ni jednu uslugu od organa uprave dok ne izmire svoje obaveze.
2. Zadužuje se Općinski načelnik i nadležne Službe da blagovremeno podnesu tužbe protiv obveznika da ne bi došlo do zastare potraživanja.
3. Tamo gdje se procijeni da je potrebno, pokrenuti stečajni postupak kao jedinu mogućnost naplate, da se to hitno uradi.
4. Ukoliko se procijeni da su instrumenti naplate nedovoljni i neefikasni, preko Saveza općine i gradova pokrenuti inicijativu za dopunu zakonske regulative, iz ove oblasti.

Vijećnica Dženana Bešić ispred kluba SDA traži dopunu još jednog zaključka koji glasi:

5. Tražimo od nadležnih institucija, kao zakonodavno tijelo i kao tijelo koje je usvojilo budžet za 2009. godinu, da se preispita nezakonito trošenje budžetskih sredstava u 2009. godini.

Vijećnik Džemo Kevrić ispred kluba BPS predlaže:

6. Da se za narednu sjednicu uradi kraća Informacija o prihodima i rashodima Općine Vareš za prvi kvartal tekuće godine.

Predsjedavajući OV je pozvao predlagača da se izjasni o prijedlogu kluba BPS.

Predlagač je prihvatio prijedlog.

Predsjedavajući je predložio da se za prva četiri prijedloga zaključka, vijećnici izjašnjavaju zajedno, a za prijedlog kluba SDA i prijedlog kluba BPS posebno, jer predloženi zaključci kluba SDA i kluba BPS nisu bili u raspravi.

Klub SDA je tražio da se Vijeće prvo izjašnjava o njihovom zaključku.

Nakon rasprave na izjašnjavanje je stavljen prijedlog zaključka kluba SDA i nakon izjašnjavanja vijećnika konstatovano je da sa 6 glasova ZA, 10 glasova PROTIV i 4 SUZDRŽANA glasa , **predloženi zaključak nije usvojen.**

Na izjašnjavanje je stavljen prijedlog zaključka kluba BPS i nakon izjašnjavanja vijećnika konstatovano je da sa 14 glasova ZA i 6 SUZDRŽANIH glasova **predloženi zaključak usvojen.**

Na izjašnjavanje su stavljena prva četiri prijedloga zaključaka i nakon izjašnjavanja vijećnika konstatovano je da su sa 11 glasova ZA i 9 SUZDRŽANIH glasova **predloženi zaključci usvojeni.**

Ad 2.

(Izveštaj o radu i finansijskom poslovanju

JKP d.o.o. Vareš za 2009. godinu)

Predlagač nije imao potrebe za dodatnim obrazloženjem.

Otvorena je rasprava u kojoj su učestvovali: općinski načelnik, predsjednik Skupštine JKP d.o.o. Vareš-Grga Vukančić i vijećnici Ivan Lučić, Elvir Rožajac, Džemo Kevrić, Jasmin Salketić, Majda Muftić i Tajiba Brkić.

Zafer Kamenjaš – ispred predlagača odgovorio je na postavljena pitanja vijećnika u raspravi.

Nakon rasprave na izjašnjavanje je stavljen Izveštaj o radu i finansijskom poslovanju JKP d.o.o. Vareš za 2009. godinu i nakon izjašnjavanja konstatovano je da je sa 18 glasova ZA i 1 SUZDRŽANIM glasom **usvojen**

Izveštaj o radu i finansijskom poslovanju

JKP d.o.o. Vareš za 2009. godinu

Ad 3.

(Izveštaj o radu i finansijskom poslovanju

JP „Vareš-Stan“ d.o.o. Vareš za 2009. godinu)

Predlagač nije imao potrebe za dodatnim obrazloženjem.

Otvorena je rasprava u kojoj su svoje primjedbe i sugestije iznijeli: predsjedavajući OV, Dženana Bešić, Ivan Lučić, Elvir Rožajac, Mario Mirčić, Milan Knežević i Džemo Kevrić.

Željka Petrović – ispred predlagača odgovorila je na postavljena pitanja vijećnika u raspravi.

Predsjedavajući OV stavio je na izjašnjavanje Izveštaj o radu i finansijskom poslovanju JP „Vareš-Stan“ za 2009. godinu, te nakon izjašnjavanja vijećnika, konstatuje da je **jednoglasno usvojen**

Izveštaj o radu i finansijskom poslovanju

JP „Vareš-Stan“ d.o.o. Vareš za 2009. godinu

Na osnovu rasprave i prijedloga datih u toku rasprave po Izvještaju, predsjedavajući je predložio da OV donese slijedeće:

Zaključke:

1. Da do 30.09. 2010. godine, JP „Vareš-Stan“ d.o.o. Vareš sklopi Ugovore o održavanju stambenih prostorija u skladu sa Zakonom, gdje to nije urađeno.
2. Da JP „Vareš-Stan“ d.o.o. Vareš do 15.07. 2010. godine, organizuje sastanak sa korisnicima usluga, gdje bi korisnici bili upoznati sa Izvještajem o radu i mogućnošću, da iznesu svoje primjedbe i sugestije. Sastanak organizovati tako da se oglasi stave u sve stambene zgrade i najmanje pet (5) puta sa istim oglasiti se na Hrvatskom radiju „Bobovac“ Vareš.
3. Da se od 01.07. 2010. godine stavi van snage dio cjenovnika JP, koji se odnosi na čišćenje dimnjaka, a da se za usluge primjenjuje cjenovnik po n/č, kao i za ostale usluge (vodoinstalatera, električar – limar i sl.).
4. Da JP „Vareš-Stan“ d.o.o. Vareš, odmah izradi kalkulaciju i od Općinskog vijeća, zatraži suglasnost za dimnjačarske usluge u skladu sa Zakonom o komunalnim djelatnostima ZE-DO kantona.
5. Da Općinski načelnik formira Komisiju do 15.07. 2010. godine koja bi u skladu sa podacima iz Izvještaja o radu JP za 2008. i 2009. godinu sačinila analizu o ekonomskoj opravdanosti poslovanja na ovakav način. (Rok podnošenja Izvještaja Komisije 30.09. 2010. godine).
6. Da nadležna Općinska služba sa inspektorom u skladu sa članom 37. i 38. Zakona o upravljanju i održavanju stambenih i stambeno-poslovnih zgrada (Sl. novine ZE-DO kantona br. 2/08), kontinuirano vrši nadzor nad provođenjem Zakona i podzakonskih akata, kao i Općinskih propisa i pojedinačnih akata, i da o tome na kraju svake kalendarske godine informiše Općinsko vijeće.
7. Obavezuje se Općinski načelnik da u roku od 60 dana, predloži mjere za poboljšanje naplate naknade za održavanje zajedničkih dijelova stambenih i stambeno-poslovnih zgrada.

Predsjedavajući OV stavio je predložene zaključke na izjašnjanje, te nakon izjašnjanja vijećnika konstatuje da su **predloženi zaključci jednoglasno usvojeni**.

Ad 4.

(Izvještaj o radu i poslovanju

JP Veterinarska stanica d.o.o. Vareš za 2009. godinu)

Predlagač nije imao potrebe za dodatnim obrazloženjem.

Po ovoj tački dnevnog reda nije bilo rasprave i predsjedavajući OV stavio je na izjašnjanje Izvještaj o radu i poslovanju JP Veterinarska stanica d.o.o. Vareš za 2009. godinu, te nakon izjašnjanja vijećnika, konstatuje da je **jednoglasno usvojen**

Izvještaj o radu i poslovanju

JP Veterinarska stanica d.o.o. Vareš za 2009. godinu

Ad 5.

*(Izveštaj o radu i poslovanju
JU Centar za socijalni rad Vareš za 2009. godinu)*

Predlagač nije imao potrebe za dodatnim obrazloženjem.

Otvorena je rasprava u kojoj je učestvovao vijećnik Elvir Rožajac.

Predsjedavajući OV stavio je na izjašnjanje Izveštaj o radu i poslovanju JU Centar za socijalni rad Vareš za 2009. godinu, te nakon izjašnjanja vijećnika, konstatuje da je **jednoglasno usvojen**

Izveštaj o radu i poslovanju JU Centar za socijalni rad Vareš za 2009. godinu

Ad 6.

*(Prijedlog Rješenja kojim se utvrđuje trajno pravo korištenja
zemljišta u korist HAHN JOSIPA iz Pržića općina Vareš)*

Predlagač nije imao potrebe za dodatnim obrazloženjem.

Po ovoj tački dnevnog reda nije bilo rasprave i predsjedavajući OV stavio je na izjašnjanje prijedlog Rješenja, te nakon izjašnjanja vijećnika, konstatuje da je **jednoglasno usvojeno**

Rješenje kojim se utvrđuje trajno pravo korištenja zemljišta u korist HAHN JOSIPA iz Pržića općina Vareš

Ad 7.

*(Informacija o nivou zaštite RVI,
porodica poginulih boraca/branitelja na području Općine Vareš)*

Predlagač nije imao potrebe za dodatnim obrazloženjem.

Otvorena je rasprava u kojoj su svoje sugestije i primjedbe iznijeli vijećnici: Dženana Bešić, Ismet Abdulahović, Elvir Rožajac i Jasmin Salketić.

Rusmir Berberović – ispred predlagača dao je objašnjenja na iznesene sugestije i primjedbe.

Predsjedavajući OV stavio je na izjašnjanje Informaciju o nivou zaštite RVI, porodica poginulih boraca/branitelja na području Općine Vareš, te nakon izjašnjanja vijećnika, konstatuje da je sa 17 glasova ZA i 1 SUZDRŽANIM glasom **usvojena**

Informacija o nivou zaštite RVI, porodica poginulih boraca/branitelja na području Općine Vareš

Na osnovu rasprave i prijedloga datih u toku rasprave, predsjedavajući je predložio Općinskom vijeću, pošto se radi o izuzetno osjetljivoj populaciji, da u vidu preporuka usvoji slijedeće:

1. Da Općinski načelnik posveti pažnju kod zapošljavanja mladih sa VS i SSS iz populacija porodica čiji su roditelji poginuli u toku rata, jer su i Zakonom u prioritetu kod zapošljavanja.

2. Objavljivanje javnog poziva kao OBAVEZU, što garantuje, odnosno omogućuje jednakopravnost svih kategorija boračkih populacija i pred Zakonom, u smislu podnošenja zahtjeva za dobivanja i ostvarivanja određenih prava, koja proizilaze iz Zakona o osnovnim i dopunskim pravima boraca i članova njihovih porodica.
3. Skreće se ponovno pažnja Općinskom načelniku na postupak imenovanja članova komisija, gdje je potrebno voditi brigu o sastavu tih Komisija kod ostvarivanja osnovnih i dopunskih prava boračkih populacija.
4. Da se maksimalno koristi svaka mogućnost da se obavijeste i oni članovi ove populacije koji nisu ujedno i članovi boračkih i invalidskih Udruženja i da se obavezno koristi javni poziv kod institucija radi dodjele bilo kakvih davanja iz Zakona o dopunskim pravima.

Predsjedavajući OV je na izjašnjavanje stavio predložene preporuke, te nakon izjašnjavanja, konstatuje da **su jednoglasno uz Informaciju usvojene predložene preporuke.**

Ad 8.

*(Informacija o nivou zaštite demobilisanih boraca/branitelja
i članova njihovih porodica na području Općine Vareš)*

Predlagač nije imao potrebe za dodatnim obrazloženjem.

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Informaciju o nivou zaštite demobilisanih boraca/branitelja i članova njihovih porodica na području Općine Vareš, te nakon izjašnjavanja konstatuje **da je jednoglasno usvojena**

**Informacija o nivou zaštite demobilisanih boraca/branitelja
i članova njihovih porodica na području Općine Vareš**

Ad 9.

*(Informacija o aktivnostima i radu Foruma o bezbjednosti
u zajednici u općini Vareš u 2009. godini)*

Predlagač nije imao potrebe za dodatnim obrazloženjem.

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Informaciju o aktivnostima i radu Foruma o bezbjednosti u zajednici u općini Vareš u 2009. godini, te nakon izjašnjavanja konstatuje da **je jednoglasno usvojena**

**Informacija o aktivnostima i radu Foruma o bezbjednosti
u zajednici u općini Vareš u 2009. godini**

Ad 10.

(Tekuća pitanja)

1. Predsjedavajući OV upoznao je Vijeće sa sadržajem Rješenja i dopunom Rješenja o imenovanju Radne grupe za provođenje trogodišnjeg općinskog akcionoga plana za kontinuirano unapređenje općinske uprave i pružanja usluga u saradnji s projektom uprave odgovornosti („Općinski akcioni plan“ ili „MAP“).

2. Predsjedavajući OV upoznao je Vijeće o Zaključku za pokretanje inicijative za dopunu Zakona o građenju Zeničko – dobojskog kantona („Sl. novine Ze-Do kantona“ br. 01/05, 02/08 i 15/09).

Općinsko vijeće se usaglasilo da ovo ide kao prijedlog ovog Zaključka.

- Predsjedavajući je predloženi prijedlog Zaključka stavio na izjašnjavanje, te nakon izjašnjavanja vijećnika, konstatuje **da je predloženi Zaključak jednoglasno usvojen.**

3. Predsjedavajući OV upoznao je Vijeće sa sadržajem dopisa MUP-a ZE-DO kantona, PS Vareš vezano za imenovanje mrtvozornika. U međuvremenu je doneseno Rješenje o imenovanju mrtvozornika od strane Općinskog načelnika.

4. Predsjedavajući OV upoznao je Vijeće sa sadržajem dopisa od Federalnog ministarstva okoliša i turizma, vezano za dopis koji im je upućen od strane OV i MZ Vijaka.

Sa dopisom upoznata je i MZ vijaka.

5. Predsjedavajući OV upoznao je Vijeće sa sadržajem Upozorenja na kršenje odredbi Zakona o vodama od strane mjesnih zajednica, koje je upućeno Općinskom vijeću i Općinskom načelniku od strane JKP d.o.o. Vareš. Predsjedavajući OV je pozvao općinskog načelnika da se izjasni šta je poduzeto po ovom problemu.

Općinski načelnik se izjasnio da će ponovo upozoriti sve Savjete Mjesnih zajednica na predaju vodovoda u skladu sa Zakonom.

Nakon sprovedene diskusije predložen je slijedeći **zaključak:**

- *Da se provjere navodi iz ovog pisma i da se preuzmu Zakonom propisane radnje, te da se na adekvatan način obavijesti stanovništvo MZ Striježevo, Pogar i Daštansko o potrebama prokuhavanja vode, kako bi se dobila njena zdravstvena ispravnost, da se naloži odgovarajućoj instituciji da izvrši hlorisanje te vode, a da se svim predsjednicima Savjeta MZ, dostavi izvod iz Zakona o vodama i upozoravajuće pismo na obaveze koje preuzimaju iz Zakona.*

Predloženi Zaključak stavljen je na izjašnjavanje, te je nakon izjašnjavanja konstatovano da je sa 17 glasova ZA i 1 SUZDRŽANIM glasom **predloženi Zaključak usvojen.**

6. Predsjedavajući OV obavijestio je Vijeće o dopisu Mjesne zajednice Budoželje o preuzimanju i održavanju vodovodne infrastrukture od strane „JKP“ d.o.o. Vareš, i odgovoru na isto, koje je dostavilo „JKP“ d.o.o. Vareš. Općinski načelnik je izjavio da je ovo pitanje riješeno.

7. Vijećnik Mato Pavić zbog miniranja koje se vrši na širem području sela Ivančevo traži:

- Da se radnici u Stupčanici o tome upoznaju i da im se naloži da se stanovništvo obavijesti o terminu miniranja ,
- Da Općinsko vijeće donese Zaključak da se hitno obavijesti nadležno Ministarstvo, da se ljudima koji rade na održavanju puteva naloži da se tunel solidnije uradi,
- Da se izvrši saniranje puta Ljepovići-Zabrezje-Suhodol,
- Misli da se treba donijeti zaključak da se insistira i traži od ŠPD da očisti vodotoke i pojas oko regionalne ceste, pošto već postoji potpisani protokol.

Predsjedavajući OV predložio je da traženja vijećnika Mate Pavić, Općinsko vijeće usvoji kao zaključake i to:

- *Obavezuje se Općinski načelnik da pozove nadležne, da se da nalog pravnom subjektu koji održava ovu dionicu, da to hitno uradi, da sanira u najminimalnijoj mjeri prometnica od Ljepovića do Suhodola, koja je potrebna kao alternativni pravac radi problema sa tunelom.*
- *Da se nazove ili uputi dopis upravi JP ŠPD Zavidovići i da se podsjetite da su preuzeli adekvatne obaveze i da treba da se pojave sa svojim ljudima i strojevima i očiste vodotok rječice koja ide od Lovačkog doma do tunela.*
- *Da se naloži JP ŠPD Zavidovići, da se stanovništvo obavještava o terminima miniranja.*

Predsjedavajući OV stavio je na izjašnjavaње predložene zaključke, te nakon izjašnjavaња konstatuje da **su predloženi zaključci jednoglasno usvojeni**.

8. Vijećnik Ismet Abdulahović traži od općinskog načelnika da mu se odgovori da li je neko tražio i da li je nekom dana dozvola za korištenje nasipnog materijala za šumske puteve. Napominje da se eksploatacija nasipnog materijala, na području MZ Dabravine vrši svaki dan.

Sjednica je završena u 15 sati i 18 minuta.

S E K R E T A R

Leon Pavlović

PREDSJEDAVALJUĆI

Josip Malbašić

ZAPISNIČAR

Azra Ibrahimović